



A handwritten signature in blue ink, likely of a representative of the Ministry of Economy.

**INFORMACIJA O KONCESIJAMA
NA PODRUČJU ZENIČKO-DOBOJSKOG KANTONA
ZA 2017. GODINU**

Zenica, juli 2018. godine

INFORMACIJA O KONCESIJAMA NA PODRUČJU
ZENIČKO-DOBOJSKOG KANTONA ZA 2017. GODINU



UVOD

1. DODIJELJENE KONCESIJE DO 2017. GODINE

- 1.1. Dodijeljene koncesije na istraživanje i eksploataciju čvrstih mineralnih sirovina do 31.12.2017. godine
- 1.2. Trend prihoda i alokacije koncesionih naknada

2. DODJELA KONCESIJA U 2017. GODINI

- 2.1. Dodjela koncesija na istraživanje i eksploataciju čvrstih mineralnih sirovina u 2017. godini
- 2.2. Koncesije u postupku
- 2.3. Koncesiona naknada i eksploatisane količine čvrstih mineralnih sirovina u 2017. godini

3. PRIHODI OD KONCESIONIH NAKNADA U 2017. GODINI


- 3.1. Prihodi od jednokratne koncesione naknade u 2017. godini
- 3.2. Prihodi od kontinuirane koncesione naknade u 2017. godini

4. RASHODI IZ KONCESIONIH NAKNADA U 2017. GODINI

- 4.1. Rashodi prema Programu utroška budžetskih sredstava od koncesija u 2017. godini
- 4.2. Alokacija koncesionih naknada po općinama u 2017. godini

5. ZAKLJUČAK

UVOD



U skladu sa Programom rada Vlade i Skupštine Zeničko-dobojskog kantona za 2018. godinu, Ministarstvo za privredu je sačinilo Informaciju o koncesijama na području Zeničko-dobojskog kantona za 2017. godinu.

Oblast koncesija uređena je zakonima o koncesijama, a realizacija koncesionih projekata iz nadležnosti Ministarstva za privredu uređeno je posebnim zakonima, kako slijedi :

- Zakonom o koncesijama Bosne i Hercegovine («Službeni glasnik Bosne i Hercegovine», broj: 32/02),
- Zakonom o koncesijama Federacije Bosne i Hercegovine («Službene novine Federacije Bosne i Hercegovine», broj: 40/02) ,
- Zakonom o dopunama Zakona o koncesijama („Službene novine Federacije BiH“, broj: 61/06);
- Zakonom o koncesijama Zeničko-dobojskog kantona («Službene novine Zeničko-dobojskog kantona», broj: 05/03),
- Zakonom o geološkim istraživanjima Zeničko-dobojskog kantona („Službene novine Zeničko-dobojskog kantona“, broj: 8/12)
- Zakonom o rudarstvu Zeničko-dobojskog kantona („Službene novine Zeničko-dobojskog kantona“, broj:10/12)

U skladu sa navedenim, nadležnosti Kantona u oblasti dodjele koncesija su slijedeće:

1. istraživanje i/ili eksploatacija:
 - energetske mineralne sirovine (ugalj, sirova nafta, zemni gas i dr.),
 - metalnih i nemetalnih mineralnih sirovina iz primarnih i sekundarnih ležišta,
 - svih vrsta soli i solnih voda,
 - ljevitih, termalnih i mineralnih voda i izvorišta prirodnih voda za piće.
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdijevanje gradova i naselja,
11. snabdijevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

U nadležnosti Ministarstva za privredu su sljedeći predmeti koncesija:

- energetske mineralne sirovine (ugalj, sirova nafta, zemni gas i dr.);
- metalne i nemetalne mineralne sirovine iz primarnih i sekundarnih ležišta;
- hoteli i ostali turistički objekti.

Kao rezultat gore navedenih ovlaštenja i zakonom definisanih obaveza, Ministarstvo za privredu Zeničko-dobojskog kantona je pokrenulo i realiziralo niz aktivnosti vezanih za dodjelu koncesija na istraživanje i eksploataciju čvrstih mineralnih sirovina.

U nastavku Informacije dat je pregled do sada dodijeljenih aktivnih koncesija do 2017. godine, a posebno u 2017. godini, sa finansijskim tokovima i programskim aktivnostima u 2017. godini.

Koncesionari su u 2017. godini funkcionirali u ambijentu opterećenom smanjenom potražnjom za mineralnim sirovinama. Nastavak izgradnje autoputa na koridoru Vc, kao i obnovu željezničke infrastrukture, trebalo bi imati za posljedicu povećanje proizvodnje i upotrebe agregata krečnjaka i

magmata. Ovo bi trebalo uticati na poslovni rezultat koncesionara u narednom periodu, kao i na ukupan prihod od koncesionih naknada.

1. DODIJELJENE KONCESIJE DO 2017. GODINE

1.1. Dodijeljene koncesije na istraživanje i eksploataciju čvrstih mineralnih sirovina

Tokom proteklog perioda u skladu sa Zakonu o koncesijama, više domaćih i stranih investitora je iskazalo interes za dodjelu koncesija na istraživanje i eksploataciju čvrstih mineralnih sirovina, kako metaličnih tako i nemetaličnih. To su bili samoinicijativni zahtjevi (uz javno oglašavanje) i odnosili su se na istraživanje i eksploataciju mineralnih sirovina krečnjaka, dijabaza, fliša, dolomita, spilita, glina, lapora, roznaca, gabra, kvarcnog pijeska i td., metaličnih mineralnih sirovina olova-ceruzita, cinka, barita, te istraživanje i eksploataciju uglja.

Kako postupak kod dodjele koncesije obuhvata dobijanje niza stručnih mišljenja i saglasnosti, te obavezno raspisivanje Javnih poziva, proces do potpisivanja ugovora o koncesiji je relativno dug. Veliki problem u realizaciji zahtjeva za dodjelu koncesija predstavlja nedorečenost Zakona o koncesijama FBiH, pa i Zakonu o koncesijama Zeničko-dobojskog kantona. Poseban problem, posljednjih godina je bilo nepostojanje Zakona o šumama FBiH.

Zaključno sa 31.12.2017. godine, potpisano je 23. ugovora o koncesiji za istraživanje i eksploataciju čvrstih mineralnih sirovina. Neki od ugovora su raskinuti, a neki su u fazi pripreme za realizaciju koncesionih projekata.

Pregled aktivnih koncesionih projekata, odnosno privrednih subjekata – koncesionara sa kojima su potpisani ugovori o dodjeli koncesije za istraživanje i eksploataciju mineralnih sirovina, dati su u *Tabeli 1.*

Tabela 1. Pregled aktivnih koncesionih projekata, odnosno koncesionara sa potpisanim koncesionim ugovorom za istraživanje i eksploataciju čvrstih mineralnih sirovina

R. br.	KONCESIONAR – SJEDIŠTE	LOKACIJA LEŽIŠTE	PREDMET KONCESIJE	UGOVOR – BROJ I DATUM
1.	„TVORNICA CEMENTA “KAKANJ” d.d. Kakanj	„Greben“ i „Ribnica“ – Kakanj	Istraživanje i eksploatacija laporca	KC 001/2000 12.09.2000.
2.	„IGM“ d.d. Visoko	„Golo brdo“ - Visoko	Istraživanje i eksploatacija opekarske gline	KC 002/2001 30.01.2001.
3.	„MGV - GRADNJA“ d.o.o. Zavidovići	„Sokolica“ Zavidovići	Istraživanje i eksploatacija krečnjaka	KC 004/01 22.05.2001.
4.	„RUDNIK KREČNJAKA “BREZA” d.o.o. Breza	„Nedići“ – Breza	Istraživanje krečnjaka	KC 006/02 19.04.2002.
5.	„BBM VAREŠ“ d.o.o. Vareš	„Stijene“ – Vareš	Istraživanje i eksploatacija krečnjaka	KC 08/02 17.05.2002. Aneksi I i II 09.09.2002. i 13.09.2003.,
		„Kota“ – Vareš	Istraživanje i eksploatacija krečnjaka i spilita	KC 08/02 17.05.2002. Aneksi I i II 09.09.2002. i 13.09.2003.,
6.	„E&P“ d.o.o. Zavidovići	„Ribnica“ – Zavidovići	Istraživanje i eksploatacija dijabaza	KC 18/06 26.04.2006.

R. br.	KONCESIONAR – SJEDIŠTE	LOKACIJA LEŽIŠTE	PREDMET KONCESIJE	UGOVOR – BROJ I DATUM
7.	„SANEX“ d.o.o. Breza	„Nezirov Gaj“ Breza	Istraživanje i eksploatacija pijeska	KC 20/2007 23.04.2007.
8.	„CESTING“ d.o.o. Žepče	„Papratnica“ Žepče	Istraživanje i eksploatacija dijabaza	04-18-23400-1/08 od 19.10.2009. god.
9.	„LIBOS“ d.o.o. Begov Han-Žepče	„Kuluk“-Begov Han	Istraživanje i eksploatacija dijabaza	04-18-367-6/09 11.12.2009.
10.	JP Elektroprivreda BiH ZD „RUDNIK MRKOG UGLJA ZENICA“ d.o.o. Zenica	„Veliki gradac“ Mošćanica - Zenica	Istraživanje i eksploatacija krečnjaka	04-18-12111-1/10 21.09.2010.
11.	„AMINA TRADE“ d.o.o. Sarajevo	„Paska Luka“ – Olovo	Istraživanje i eksploatacija krečnjaka	04-18-20939-1/12 16.11.2012.
12.	„GEOMET“ d.o.o. Olovo	„Očekalj“ i „Prgoševo“ Olovo	Istraživanje i eksploatacija ceruzita	04-18-15242-1/12 20.07.2012.
13.	„DIM KAMENOLOM“ d.o.o. Žepče	„Ograjna“ – „Željezno polje“ Žepče	Istraživanje i eksploatacija dijabaza	04-18-20940-1/12 30.01.2013.
14.	„EASTER MINING“ d.o.o. Sarajevo	„Veovača 1. i 2.“, „Rupice- Juraševac“, „Brestić“ – općina Vareš	Istraživanje i eksploatacija olova, cinka i barit	04-18-21389-1/13 12.03.2013.
15.	„ŽGP“ d.o.o. Zenica	„Široke stijene“ Zenica	Istraživanje i eksploatacija krečnjaka	04-18-15802-1/13 28.08.2013.
16.	„KOMGRAD – Z“ d.o.o. Zenica	„Crkvice – Kamenolom“ Zenica	Istraživanje i eksploatacija krečnjaka	04-18-15802-1/14 17.12.2014.
17.	ABLE INVESTMENT“ d.o.o. Sarajevo	„Morava – Krivodol“ — Župča – Breza	Istraživanje i eksploatacija krečnjaka	04-18-7636-1/16 24.05.2016.

1.2. Trend prihoda i alokacije koncesionih naknada

Prema koncesionim ugovorima svi koncesionari su dužni izmirivati obaveze plaćanja kontinuirane koncesione naknade za korištenje predmeta koncesija u onom obimu u kojem su eksploatisali mineralne sirovine u određenom vremenskom periodu, a prema visini naknade koja je definisana koncesionim ugovorom. Koncesionari koji nisu uspjeli eksploatisati niti minimalnu ugovorenu količinu, koja je definisana koncesionim ugovorom, dužni su platiti koncesionu naknadu za ugovorenu minimalnu količinu mineralne sirovine.

Prema budžetskim evidencijama u periodu 2014.-2016. godina ostvareni su prihodi od koncesionih naknada u ukupnom iznosu od **2.677.111,66 KM**, te su alocirani prema općinama na čijoj teritoriji se vrši eksploatacija prema Odluci Vlade broj: 02-14-2093/13 od 24.1.2013. godine, sa raspodjelom u omjerima (Općina – Kanton) 70% : 30 %, u korist općina. Trend ovih prihoda prikazan je u tabeli 2.

Tabela 2. Trend prihoda i alokacije koncesionih naknada od 2014.-2016. god.

	2014.	2015.	2016.	UKUPNO
UKUPAN PRIHOD /KM/	913.434,72	888.261,42	875.415,52	2.677.111,66
PRIHOD (alokacija) OPĆINA /KM/	639.404,30	621.782,92	612.790,76	1.873.977,98
PRIHOD (alokacija) KANTONA /KM/	274.030,42	266.478,50	262.624,76	803.133,68

Prema Programu utroška budžetskih sredstava od koncesija u 2014. godini, usvojenim Zaključcima Vlade Kantona, prihodi Kantona od koncionih naknada utrošeni su u svrhu saniranja šteta nasalih od poplava i za potrebe Komisije za praćenje realizacije ugovora o koncesijama.

Prema Programu utroška budžetskih sredstava od koncesija u 2015. godini, usvojenim Zaključkom Vlade Kantona, prihodi Kantona od koncionih naknada utrošeni su u svrhu sufinansiranja pripreme izgređne poslovnih zona i za potrebe Komisije za praćenje realizacije ugovora o koncesijama.

Prema Programu utroška budžetskih sredstava od koncesija u 2016. godini, usvojenim Zaključkom Vlade Kantona, prihodi Kantona od koncionih naknada utrošeni su u svrhu sufinansiranja pripreme izgređne poslovnih zona, subvencioniranja energetske efikasnosti javnih objekata (škole), odnosno provođenje energetskog audita za 10 škola i za potrebe Komisije za praćenje realizacije ugovora o koncesijama.

2. DODJELA KONCESIJA U 2017. GODINI

2.1. Dodjela koncesija na istraživanje i eksploataciju čvrstih mineralnih sirovina u 2017. godini

U 2017. godini, sem aneksa ugovora, nije potpisan niti jedan ugovora o dodjeli koncesija za istraživanje i eksploataciju čvrstih mineralnih sirovina.

Aneks Ugovora o koncesiji - „DIM KAMENOLOM“ d.o.o Žepče

Shodno članu 8. Zakona o koncesijama (Prečišćeni tekst) («Službene novine Zeničko-dobojskog kantona», broj: 5/03), Zahtjevom za dodjelu koncesije za istraživanje i eksploataciju mineralne sirovine lerzolita – dijabaza (proširenje) na lokalitetu „Željezno Polje” K.O. Papratnica, u općini Žepče, Ministarstvu za privredu Zeničko-dobojskog kantona obratio se privredni subjekt „DIM KAMENOLOM“ d.o.o Žepče. Uz Zahtjev privredni subjekt dostavio je Studiju ekonomske opravdanosti eksploatacije lerzolita – dijabaza, na lokalitetu „Željezno Polje” K.O. Papratnica kod Žepča.

Na osnovu istog Ministarstvo za privredu Zeničko-dobojskog kantona zatražilo je od Općinskog vijeća Žepče Saglasnost za dodjelu koncesije na istraživanje i eksploataciju mineralne sirovine – dijabaza na lokalitetu „Željezno Polje” K.O. Papratnica, općina Žepče.

Općinsko vijeće dalo je Saglasnost za mogućnost dodjele koncesije i Odludu o izmjeni Saglasnosti na mogućnost dodjele koncesije na istraživanje i eksploataciju mineralnog resursa – dijabaza, na lokalitetu „Željezno Polje” K.O. Papratnica, općina Žepče, čime su stvoreni uslovi za procjenu javnog interesa.

Na osnovu pribavljenje dokumentacije, Komisija za kocesije utvrdila je da za dodjelu koncesije na istraživanje i eksploataciju mineralne sirovine dijabaza, postoji javni interes, te je predloženo da Ministarstvo za privredu može pokrenuti proceduru donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju dijabaza na pomenutom lokalitetu i po utvrđenim kriterijima.

Na osnovu toga Ministarstvo za privredu predložilo je Vladi Kantona donošenje Odluke o pristupanju provođenja procedure dodjele koncesije za istraživanje i eksploataciju mineralne sirovine - dijabaza na lokalitetu „Željezno Polje”, K.O. Papratnica, općina Žepče.

Vlada Kantona donijela je Odluke o pristupanju provođenja procedure dodjele koncesije za istraživanje i eksploataciju mineralne sirovine - dijabaza na lokalitetu "Željezno Polje", K.O. Prapatnica, općina Žepče, broj: 02-18-18215/16 od 03.11.2016. godine.

Shodno navedenoj odluci, Ministarstvo za privredu je raspisalo Javni poziv za prikupljanje ponuda za izbor najpovoljnijeg ponuđača – koncesionara za dodjelu, koji je objavljen 28.11.2016. godine u listu "Oslobođenje".

Na Javni poziv pristigla je jedna ponude i to od privrednog subjekta „DIM KAMENOLOM“ d.o.o. Žepče.

S obzirom da je ponuđač, "DIM KAMENOLOM" d.o.o. Breza, ispunio opšte i posebne uslove, koji su navedeni u Javnom pozivu, Komisija je konstatovala da su ispunjeni svi uslovi za nastavak postupka dodjele koncesije.

Na osnovu svih iznesenih podataka Ministarstvo za privredu predložilo je Vladi Kantona da usvoji Prijedlog Odluke o dodjeli koncesije. Vlada Kantona donijela je Odluku o dodjeli koncesije za istraživanje i eksploataciju mineralne sirovine – dijabaza na lokalitetu "Željezno Polje", K.O. Prapatnica, općina Žepče, broj: 02-18-2021/17 od 10.02.2017. godine.

Koncesionar je prije potpisivanja Aneksa Ugovora dostavio:

- Snimak „Nultog stanja“ ležišta prije početka istražno-eksploatacionih radova sa fotografijama postojećih objekta u blizini ležišta,
- Geodetski elaborat sa identifikacijom parcela (Katastarski plan sa unesenim koordinatama istražno-eksploatacijskog polja i parcelama sa vlasničkim i posjedovnim listovima,
- Radi obezbjeđenja urednog plaćanja koncesione naknade Koncesionar je dostavio ovjerenu mjenicu sa mjeničnom izjavom na iznos od 50.000,00 KM.
- Uplatnicu za jednokratnu (fiksna) koncesionu naknadu za prošireni istražno-eksploatacioni prostor u iznosu od 58.546,00 KM.

Aneks I Ugovora o koncesiji zaključen je 12.09.2017. godine na osnovu Odluke Vlade Zeničko-dobojskog kantona o dodjeli koncesije za istraživanje i eksploataciju mineralne sirovine – dijabaza na lokalitetu "Željezno Polje", K.O. Prapatnica, općina Žepče, broj: 02-18-2021/17 od 10.02.2017. godine i Odluke o izmjeni Odluke Vlade Zeničko-dobojskog kantona o dodjeli koncesije za istraživanje i eksploataciju mineralne sirovine – dijabaza na lokalitetu "Željezno Polje", K.O. Prapatnica, općina Žepče, broj: 02-18-12199/17 od 31.08.2017. godine, te Saglasnosti Općinskog vijeća Žepče, broj: 01-023-231/14 od 31.12.2014. godine, Odluke o izmjeni Saglasnosti: 01-023-231/14 od 31.12.2014. godine i broj: 01-23-51/16 od 31.03.2016. godine, na mogućnost dodjele koncesije za istraživanje i eksploataciju mineralne sirovine – dijabaza, na lokalitetu "Željezno Polje" K.O. Prapatnica, općina Žepče, te na osnovu Mišljenja Kantonalnog pravobranilaštva Zenica, broj: M-16/17 od 24.03.2017. godine.

2.2. Koncesije u postupku

U 2017. godini, u postupku realizacije koncesionih projekata bilo je više predmeta, od kojih izdvajamo slijedeće:

„GEOMET“ d.o.o. Olovo

Zahtjevom za dodjelu i proširenje koncesije na eksploataciju mineralne sirovine – ceruzita, na ležištu "Očekalj" i "Prgoševo" K.O. Dugandžići (prostor predviđen za preradu), općina Olovo, Ministarstvu za privredu Zeničko-dobojskog kantona obratio se koncesionar „GEOMET“ d.o.o. Olovo.

Nakon niza prepiski i zahtjeva za dopunu podneska, „GEOMET“ d.o.o. je dostavio uredan zahtjev. Na osnovu toga Ministarstvo za privredu Zeničko-dobojskog kantona zatražilo je od Općinskog vijeća

Olovo Saglasnost za dodjelu koncesije na istraživanje i eksploataciju mineralne sirovine – ceruzita na proširenom istražno-eksploatacijskom polju. Općinsko vijeće Olovo dostavilo je Saglasnost, čime su stvoreni uslovi za konačnu procjenu javnog interesa.

Na osnovu pribavljene dokumentacije, Komisija za koncesije utvrdila je da za dodjelu koncesije na eksploataciju mineralne sirovine postoji javni interes, uz obavezu ispunjavanja uslova iz Saglasnosti Općinskog vijeća Olovo, te je predloženo da Ministarstvo za privredu može pokrenuti postupak donošenja Odluke Vlade Kantona o pristupanju provođenja procedure dodjele koncesije na pomenutom lokalitetu po navedenim kriterijima.

Ministarstvo je predložilo Vladi Kantona donošenje Odluke o pristupanju provođenja procedure dodjele koncesije, koju je Vlada Kantona razmatrala i donijela. Shodno navedenoj odluci, Ministarstvo za privredu je raspisalo Javni poziv za prikupljanje ponuda za izbor najpovoljnijeg Ponuđača – koncesionara za dodjelu koncesije koji je objavljen u listu "Oslobodjenje".

S obzirom da je ponuđač, „GEOMET“ d.o.o. Olovo, ispunio opšte i posebne uslove, koji su navedeni u Javnom pozivu, Komisija za koncesije zaključila je da su ispunjeni svi uslovi za nastavak procedure dodjele koncesije.

Na osnovu svih iznesenih podataka Ministarstvo za privredu predložilo je Vladi Kantona da usvoji Prijedlog Odluke o dodjeli koncesije. Vlada Kantona donijela je Odluku o dodjeli koncesije za eksploataciju mineralne sirovine ceruzita na proširenom istražno-eksploatacijskom polju ležišta "Očekalj" i "Prgoševo" K.O. Dugandžići, općina Olovo, broj: 02-18-13075/16 od 23.02.2017. godine.

Koncesionar je bio dužan prije potpisivanja Aneksa Ugovora o koncesiji dostaviti:

- Snimak „Nultog stanja“ ležišta prije početka eksploatacionih radova sa fotografisanjem postojećih objekata u blizini ležišta;
- Geodetski elaborat sa identifikacijom parcela (Katastarski plan sa unesenim koordinatama eksploatacijskog polja i parcelama sa vlasničkim i posjedovnim listivima);
- Ovjerenu mjenicu sa mjeničnom izjavom na iznos od 360.000,00 KM;
- Uplatnicu za jednokratnu (fiksnu) koncesionu naknada za prošireni istražno eksploatacijski proctor u iznosu od 23.395,80 KM.
- Dokaz o rješanim imovinsko-pravnim odnosima za parcele iz eksploatacionog polja i dokaz da su otklonjeni ograničavajući faktori vezani za korištenje prostora.

Međutim, do kraja 2017. godine Koncesionar nije uspio riješiti imovinsko-pravne odnose, te Aneks koncesionog ugovora nije zaključen.

„SANEX“ d.o.o Breza

Zahtjevom za dodjelu i proširenje koncesije na istraživanje i eksploataciju mineralne sirovine – kvarcnog pijeska na lokalitetu "Nezirov Gaj" K.O. Gornja Breza i K.O. Podvinci na području općina Breza i Visoko, Ministarstvu za privredu obratio se koncesionar „SANEX“ d.o.o Breza.

Na osnovu Zahtjeva za saglasnost Ministarstva za privredu, Općinsko vijeće Breza i Općinsko vijeće Visoko dala su Saglasnosti na mogućnost dodjele koncesije na istraživanje i eksploataciju mineralne sirovine kvarcnog pijeska na lokalitetu "Nezirov Gaj" K.O. Gornja Breza i K.O. Podvinci. U skladu sa ovim, Komisija za koncesije utvrdila je da postoji javni interes, te je predložila da Ministarstvo za privredu može pokrenuti proceduru donošenja Odluke Vlade Kantona o pristupanju provođenja procedure dodjele koncesije.

Na osnovu prethodnog Ministarstvo za privredu predložilo, a Vladi Kantona je donijela Odluke o pristupanju provođenja procedure dodjele koncesije za istraživanje i eksploataciju mineralne sirovine - kvarcnog pijeska. Shodno navedenoj odluci, Ministarstvo za privredu je raspisalo Javni poziv za prikupljanje ponuda, koji je objavljen u listu "Oslobodjenje".

S obzirom da je ponuđač, "SANEX" d.o.o. Breza ispunio opšte i posebne uslove koji su navedeni u Javnom pozivu, Komisija je konstatairala da su ispunjeni svi uslovi za nastavak procedure dodjele koncesije.

Na osnovu svih iznesenih podataka Ministarstvo za privredu predložilo je Vladi Kantona da usvoji Prijedlog Odluke o dodjeli koncesije. Vlada Kantona donijela je Odluku o dodjeli koncesije za istraživanje i eksploataciju mineralne sirovine – kvarcnog pijeska na lokalitetu "Nezirov Gaj" K.O. Gornja Breza i K.O. Podvinci, na području općina Breza i Visoko, broj: 02-18-2020/17 od 10.02.2017. godine.

Koncesionar je bio dužan prije potpisivanja Aneksa Ugovora obezbijediti:

- Snimak „Nultog stanja“ ležišta prije početka istražno-eksploatacionih radova sa fotografisanjem postojećih objekta u blizini ležišta;
- Geodetski elaborat sa identifikacijom parcela (Katastarski plan sa unesenim koordinatama istražno-eksploatacijskog polja i parcelama sa vlasničkim i posjedovnim listivima).
- Radi obezbjeđenja urednog plaćanja koncesione naknade prema Aneksu Ugovora, Koncesionar je obavezan da prije potpisivanja Aneksa Ugovora dostavi ovjerenu mjenicu sa mjeničnom izjavom na iznos od 25.000,00 KM.
- Uplatnicu za jednokratnu (fiksna) koncesionu naknadu za prošireni istražno-eksploatacioni prostor u iznosu od 30.000,00 KM.

Međutim, do kraja 2017. godine Koncesionar nije uspio obezbijediti prethodne uslove, te Aneks koncesionog ugovora nije zaključen.

"AMINA TRADE" d.o.o. Sarajevo

Ministarstvu za privredu obratilo se privredno društvo "AMINA TRADE" d.o.o. Sarajevo Zahtjevom za proširenje eksploatacijskog polja na kamenolomu "Paska Luka" kod Olova.

U ranijem periodu, a poslije provedene procedure definisane Zakonom o koncesijama Zeničko-dobojskog kantona, Vlada Zeničko-dobojskog kantona donijela je Odluku o dodjeli koncesije, te je potpisan Koncesioni ugovor, broj: 04-18-20939-1/12 od 16.08.2012. godine sa privrednim društvima "AMINA TRADE" d.o.o. Sarajevo.

Trenutni istražno-eksploatacijski prostor ležišta određen Ugovorom, definisan je koordinatama prelomnih tačaka, površine 27.335,86 m² i nalazi se na lokalitetu "Paska Luka" K.O. Olovo, općina Olovo.

Zahtjevom od 23.11.2016. godine koncesionar traži dodjelu koncesije za istraživanje i eksploataciju mineralne sirovine – krečnjaka na proširenom dijelu ležišta.

Uz Zahtjev, pored ovih podataka koncesionar "AMINA TRADE" doo Sarajevo dostavio je Studiju o ekonomskoj opravdanosti dodjele koncesije na istraživanje i eksploataciju krečnjaka na lokalitetu "Paska Luka" K.O. Olovo, odnosno Studiju opravdanosti proširenja granica eksploatacionog polja kamenoloma "Paska Luka" Olovo.

Ministarstvu za privredu ZDK uputilo je akt Općinskom vijeću Olovo - broj: 04-18-09320-5/16 od 01.02.2017. godine, sa zahtjevom za dostavu Saglasnost Općinskog vijeća Olovo za dodjelu koncesije za istraživanje i eksploataciju krečnjaka na proširenom eksploatacijskom polju, na lokalitetu "Paska Luka" K.O. Olovo.

Aktom broj: 01-01-3-1070/17 od 28.04.2017. godine, Općinsko vijeće Olovo dostavilo je ograničavajući Stav, koji je vezan za potrebu zaštite kulturno-historijske baštine, na osnovu kojeg Ministarstvo za privredu nije u mogućnosti nastaviti proceduru dodjele koncesije.

Poslije provedene procedure definisane Zakonom o koncesijama – Prečišćeni tekst (“Službene novine Zeničko-dobojskog kantona”, broj: 5/03), Vlada Zeničko-dobojskog kantona, je donijela Odluke o dodjeli koncesije za istraživanje i eksploataciju mineralne sirovine – krečnjaka na ležištu “Crkvice-Kamenolom”, kod Zenice, K.O. Crkvice, u općini Zenica, te je potpisan Ugovor o koncesiji sa privrednim subjektom “Komgrad-Ze” d.o.o. Zenica, broj: 04-18-15502-1/14 od 17.12.2014. godine.

Zbog tehnoloških potreba, aktom od 10.03.2017. godine navedeni privredni subjekt podnio je Zahtjev za dodjelu koncesije na proširenom dijelu lokaliteta “Crkvice-Kamenolom”, K.O. Crkvice, u općini Zenica. Koncesionar “Komgrad-Ze” d.o.o. Zenica uz Zahtjev dostavio je detaljnu Studiju o ekonomskoj opravdanosti proširenja istražno – eksploatacijskog prostora na lokalitetu ležišta krečnjaka “Crkvice-Kamenolom”, odnosno dodjele koncesije na istraživanje i eksploataciju krečnjaka na pomenuom lokalitetu.

Ministarstvu za privredu ZDK uputilo je Zahtjev Općinskom/Gradskom vijeću i Gradonačelniku Grada Zenica, broj: 04-18-15802-1-4/14 od 20.03.2017. godine, sa zahtjevom za dostavu Saglasnost Vijeća za dodjelu koncesije za istraživanje i eksploataciju krečnjaka na proširenom eksploatacijskom polju.

Međutim, pored nekoliko urgencija, do kraja 2017. godine Grdsko vijeće Zenica nije razmatralo, pa niti dalo Saglasnost za dodjelu koncesije za istraživanje i eksploataciju krečnjaka na proširenom eksploatacijskom polju, te Ministarstvo za privredu nije bilo u moguće nastaviti postupak dodjele koncesije.

“EASTERN MINING“ d.o.o.Sarajevo

Aktom, 04-18-21389/13 od 28.11.2017. godine, Ministarstvu za privredu obratio se koncesionar “EASTERN MINING” d.o.o. Sarajevo Zahtjevom za produženje roka izvođenja istražnih i pripremnih radova za eksploataciju, prema Ugovoru o koncesiji, broj: 04-18-21389/17 od 12.03.2013. godine.

Koncesionar je uz Zahtjev dostavio detaljno obrazloženje i Izvještaj o izvedenim detaljnim geološkim istraživanjima ležišta olova, cinka i barita u istražnom prostoru Veovača – Rupice – Juraševac - Brestić za period 2013. do 2017. godine (novembra 2017. godine), te Rješenje Federalnog ministarstva energije, rudarstva i industrije o produženju roka izvođenja detaljnih geoloških istraživanja do 25.05.2020. godine, Up/I broj: 06-18-381/14 od 25.05.2017. godine.

Prema tački 3.3. stav (1) Ugovora, a zbog velikog obima geoloških istražnih i pripremnih radnji, ugovoreno je vrijeme za istraživanje i pripreme radove u trajanju od 5 godina, računajući od dana potpisivanja Ugovora.

Zaključivanjem Ugovora o koncesiji, Koncesionar je stekao pravo da sve ostale upravne aktivnosti, u skladu sa nadležnostma, realizira na nivou Federacije BiH. Tako je do sada u Federalnom ministarstvu energije, rudarstva i industrije ishodovao Rješenje – odobrenje za izvođenje detaljnih geoloških istraživanja mineralnih sirovina, Up/I broj: 06-18-381/14 od 17.10.2014. godine.

U postupku realizacije pripreme i istraživanja Koncesionar je do kraja oktobra 2017. godine okončao oko 70 % projektnih aktivnosti u što je investirao cca 2,5 miliona KM. Na osnovu argumentacije iskazane u Izvještaju o izvedenim detaljnim geološkim istraživanjima, Federalno ministarstvo energije, rudarstva i industrije je Koncesionaru izdalo Rješenje o produženju roka izvođenja detaljnih geoloških istraživanja do 25.05.2020. godine.

Imajući u vidu naprijed navedeno Ministarstvo za privredu predlaže, a Vlada Kantona je donijela odluku o produženju vremena dodjele koncesije za istraživanje metalčnih mineralnih resursa-olova, cinka i

barita na ležištima Veovača i Rupice – Juraševac, Brestić u općini Vareš, do 25.05.2020. godine, na osnovu koje je sačinjen Aneks Koncesionog ugovora.

“BBM” d.o.o. Sarajevo

Istraživanje i eksploatacija mrkog uglja na lokalitetu “Brezove Dane” kod Maglaja pokrenuo je privredni subjekt “BBM” d.o.o. Sarajevo. Površina istražno-eksploatacionog polja je oko 150 ha, sa procjenjenim rezervama uglja cca 2 miliona tona. Završeni su istražno-geološki radovi.

U postupak dodjele koncesije na eksploataciju, a u skladu sa Zakonom o koncesijama Federacije BiH u cjelosti je uključena lokalna zajednica. Već nekoliko godina pokušava se usaglasiti Ugovor o prijateljskom okruženju, koji je preduslov za davanje Saglasnosti Općinskog vijeća za dodjelu koncesije za eksploataciju uglja. Općina Maglaj insistira na obavezi budućeg koncesionara da izgradi infrastrukturne objekte čija je vrijednost cca 6 miliona KM. Općinsko vijeće Maglaj u više navrata razmatralo je ovu temu, ali do sada nije dalo безусловnu saglasnost za dodjelu koncesije za eksploataciju uglja na ležištu “Brezove Dane”, općina Maglaj.

Imajući u vidu prethodno, Ministarstvo za privredu je, nakon komisijske analize i donesenog zaključka, Vladi Kantona uputilo Prijedlog Odluka o odgađanju pristupanja provođenju procedure dodjele koncesije na eksploataciju mineralne sirovine – uglja na lokalitetu „Brezove Dane“, općina Maglaj.

ZD RMU “ZENICA”, “KAKANJ” i “BREZA”

Krajem 2017. godine Ministarstvu za privredu Zeničko-dobojskog kantona obratili su se privredni subjekti ZD RMU “ZENICA” d.o.o. Zenica, ZD RMU “KAKANJ” d.o.o. Kakanj i ZD RMU “BREZA” d.o.o. Breza, sa zahtjevima za dodjelu koncesije za istraživanje i eksploataciju mineralne sirovine uglja na području Općine Kakanj i Breza i Grada Zenica.

Obzirom na kompleksnost postupka dodjele koncesije na istraživanje i eksploataciju i važećih propisa, Saglasnost Općinskog/Gradskog vijeća je osnovni akt za procjenu postojanja javnog interesa (sa aspekta uravnoteženog regionalnog razvoja, ekonomskog, sociološkog, ekološkog, uređenje i korištenje prostora na kome se realizira koncesioni projekat).

Imajući u vidu daljnje vođenje postupka dodjele koncesije, a u skladu sa članom 1. Zakona o dopunama Zakona o koncesijama (“Službene novine Federacije Bosne i Hercegovine”, broj: 61/06 i članom 8. Zakona o koncesijama (Prečišćeni tekst) (“Službene novine Zeničko-dobojskog kantona”, broj: 5/03), Ministarstvo za privredu obratilo se Načelnicima i Općinskim vijećima Kakanj i Breza, te Gradonačelniku i Gradskom vijeću Zenica, sa Zahtjevima za davanje Saglasnosti Vijeća za dodjelu koncesije za eksploataciju uglja na područjima navedenih općina/grada.

Samo Općinsko vijeće Kakanj dalo je uslovnu saglasnost do kraja 2017. godine, dok su ostala to učinila u januaru mjesecu 2017. godine, ali također uslovno.

Općinsko vijeće Kakanj donijelo je Odluku o davanju prethodne saglasnosti za dodjelu koncesije privredni subjekt ZD RMU “KAKANJ” d.o.o. Kakanj za istraživanje i eksploataciju mineralne sirovine uglja na području Općine Kakanj, broj: 01/1-15-548/17 od 28.12.2017. godine (JP Elektroprivreda BiH d.d Sarajevo, ZD RMU “KAKANJ” d.o.o. Kakanj).

Obzirom na kompleksnost postupka dodjele koncesije na istraživanje i eksploataciju kao i važeće zakonske propise, samo безусловna Saglasnost Općinskog vijeća predstavlja osnov za procjenu postojanja javnog interesa. Bitno je imati u vidu činjenicu da su elementi sadržaja Ugovora o koncesijama zakonom propisan i njime se uređuju međusobni odnosi, te prava i obaveze između koncesora i koncesionara. Realizacija drugih projekata može biti predmet ugovora sklopljenog između zainteresovanih strana, odnosno između Općine/Grada i ZD-a RMU-a.

Naime, u saglasnostima navedene su koordinate prijelomnih tačaka istražno-eksploatacijskog polja koje se razlikuju od koordinata iz Studije ekonomske opravdanosti dodjele koncesije, odnosno iz Zahtjeva za dodjelu koncesije ZD-a RMU-a.

Pored toga u saglasnostima je dat niz uslova koji se odnose na Studiju ekonomske opravdanosti dodjele koncesije, vezani su za definiranje istražno-eksploatacijskog polja (proširenje, isknjiženje područja iz granica odobrenog eksploatacijskog polja i slično.

U saglasnostima se navode uslovi koji su propisani drugim zakonima, a koje će Koncesionar imati obavezu realizirati u postupku ishodovanja svih relevantnih dozvola za istraživanje i eksploataciju u istražno-eksploatacijskom polju nakon ostvarivanja prava, odnosno potpisivanja koncesionog ugovora. Stoga je navođenje ovih zakonskih obaveza suvišno.

U saglasnostima su navedeni i oročeni uslovi koji se tiču realizacije drugih projekata, kao što su:

- Poduzimanje hitnih mjera i aktivnosti (odmah) na sanaciji klizišta,
- Izgradnja asfaltnih saobraćajnica,
- Izgradnja transportnih saobraćajnica za uglj,
- Izgradnja postrojenja za tretman industrijskih otpadnih voda i slično.

Zbog predmeta Ugovora o koncesiji i propisanog sadržaja Ugovora o koncesiji realizacija drugih projekata mora biti uređena posebnim ugovorom između Općina/Grada i ZD-a RMU-a, a ne između koncesora i koncesionara.

U saglasnostima iskazani su i određeni uslovi vezani za sadržaj studije ekonomske opravdanosti dodjele koncesije, a vezani su za njen sadržaj, koje ZD-a RMU-a moraju dopuniti u skladu sa zahtjevima.

Imajući u vidu **predhodno**, Općinska i Gradsko vijeće, Načelnici Općina i Gradonačelnik Grada, u saradnji sa ZD-a RMU-a trebaju usaglasiti međusobne zahjeve, da bi se moglo pristupiti nastavku postupka dodjele koncesije.

U cilju nastavka **provođenja** procedure dodjele koncesije, od učesnika u postupku očekuje se sljedeće:

1. Od Općinskih/Gradskog vijeća i Načelnika/Gradonačelnika, donošenje bezuslovne Saglasnosti za dodjelu koncesije za istraživanje i eksploataciju uglja,
2. Od ZD-a RMU-a dostavljanje Dopune Studije ekonomske opravdanosti dodjele koncesije za eksploataciju mrkog uglja, usaglašene sa Općinom/Gradom u skladu sa navedima iz saglasnosti.
3. Da Općine/Grad i ZD-a RMU-a realizaciju drugih projekata urede posebnim ugovorima.

2.3.Koncesiona naknada i eksploatisane količine čvrstih mineralnih sirovina u 2017. godini

U tabeli 3. dat je pregled eksploatisanih količina mineralnih sirovina, uplaćenih koncesionih naknada i dugovanja, prema zapisnicima za 2017. godinu.

Upoređujući podatke iz prethodnih godina sa podacima za 2017. godinu, može se zaključiti sljedeće:

- Nastavljen je trend da neki privredni subjekti sa potpisanim koncesionim ugovorom, koji nisu eksploitali mineralnih sirovina u 2017. godini, nisu vršili eksploataciju čvrstih mineralnih sirovina ni u 2017. godini.
- Obaveze po zapisnicima, odnosno dug koncesionara po osnovu koncesionih naknada za 2017. godinu su umanjene u odnosu na prethodne godine (u 2014. godini dug je bio 938.381,59 KM, u 2015. godini je 745.545,20 KM, a u 2016. godini je bio 746.105,93 KM) i iznosi 677.958,38 KM.

U narednoj tabeli dat je pregled stanja ugovorenih obaveza po osnovu koncesionih naknada za eksploatisane količine mineralnih sirovina prema zapisnicima za 2017. godinu.

Tabela 3: Stanje ugovorenih obaveza po osnovu koncesionih naknada za eksploatacane količine mineralnih sirovina prema zapisnicima za 2017. godinu

Red. br.	KONCESIONAR I SJEDIŠTE DATUM UGOVORA	KONC. NAKNADE I KOLIČ. MIN. SIR. PO ZAPISNICIMA ZA 2017. GODINU			GODIŠNJA UGOVOR. MINIM. OBAVEZA /KM/	DUG PO ZAPISN. ZA 2016. GODINU /KM/	TUŽBE	NAPOMENA
		TRENT. STANJE OBAVEZA /KM/	EKSP. - OTPREM. KOLIČINE MINERAL. SIROVINA	UPLAĆ. DO DATUMA ZAPISNIKA /KM/				
1.	TRGOŠPED Kakanj 1.10.2003.	4.4.2018. god. 0,00	104.454,00 m ³ r. m.	41.690,80	33.000,00	Preplata 90,80		
2.	LIBOS Žepče 11.12.2009.	17.4.2018. god. 23.471,74	0,00	86.252,26	17.000,00	85.000,00	-2014. god. – iznos: 17.000,00 KM – u toku -2016. god. – iznos: 34.000,00 KM – u toku	Potpisan sporazum o vansudskoj nagodbi na 10 jednakih rata
3.	SANEX Breza 23.4.2007.	12.4.2018. god. 10.000,00	0,00 m ³ r. m.	20.000,00	10.000,00	0,00		
4.	CESTING Žepče 19.10.2009.	17.4.2018. god. 61.000,00	14.187,80	32.000,00	16.000,00	77.000,00		
5.	AMINA TRADE Olovo 15.3.2004.	10.4.2018. god. 22.000,00	847,00 m ³ r. m.	0,00	11.000,00	11.000,00		
6.	DIM KAMENOLOM Žepče 30.1.2013.	17.4.2018. god. 68.528,91	88.810,05 m ³ č. m.	21.495,52 58.546,00	17.222,00	72.802,43	Uplatio jednokratnu naknadu u iznosu od 58.546,00 KM	

Red. br.	KONCESIONAR I SJEDIŠTE DATUM UGOVORA	KONC. NAKNADE I KOLIČ. MIN. SIR. PO ZAPISNICIMA ZA 2017. GODINU			GODIŠNJA UGOVOR. MINIM. OBAVEZA /KM/	DUG PO ZAPISN. ZA 2016. GODINU /KM/	TUŽBE	NAPOMENA
		TRENT. STANJE OBAVEZA /KM/	EKSP. - OTPREM. KOLIČINE MINERAL. SIROVINA	UPLAĆ. DO DATUMA ZAPISNIKA /KM/				
7.	RKB Breza 1.10.2003.	5.4.2018. god. 256.164,77	73.406,35 m ³ r. m.	70.000,00	20.000,00	323.199,54	-2009. god. – iznos: 174.027,40 KM presuda -2014. god. – iznos: 53.870,32 KM – presuda -2016. god. – iznos: 81.987,12 KM – u toku	Potpisan sporazum o vansudskoj nagodbi na 10 jednakah rata
8.	BBM VAREŠ Vareš 17.5.2002.	10.4.2018. god. Preplata 0,58	410,42 m ³ r.m. spilit 5.769,85 m ³ r.m. krečnjak	43.500,00	43.500,00	Preplata 0,58	-2006.godina . iznos: 187.233,42 KM Presuda Vrhovnog suda Uplata 2013.g. 190.000,00 KM -22.7.2015. ULOŽENA APELACIJA Ustavnom sudu BiH	
9.	E&P Zavidovići 26.4.2006.	19.4.2018. god. 37.500,00	17.778,86 m ³ r. m.	37.500,00	37.500,00	37.500,00		
10.	MGV GRADNJA Zavidovići 22.5.2001.	19.4.2018. god. 26.571,66	126.254,70 m ³ r. m.	154.805,25	28.000,00	92.998,62		Dodatni premjer
11.	IGM Visoko 30.10.2001.	5.4.2018. god. 553,97	43.565,75 m ³ č. m.	16.884,80	-	Preplata 2.313,76		Dodatni premjer
12.	TVORNICA CEMENTA KAKANJ Kakanj 12.9.2000.	5.4.2018. god. 0,00	468.053,63 tona	374.442,91	-	0,00		

Red. br.	KONCESIONAR I SJEDIŠTE DATUM UGOVORA	KONC. NAKNADE I KOLIČ. MIN. SIR. PO ZAPISNICIMA ZA 2017. GODINU			GODIŠNJA UGOVOR. MINIM. OBAVEZA /KM/	DUG PO ZAPISN. ZA 2016. GODINU /KM/	TUŽBE	NAPOMENA
		TRENT. STANJE OBAVEZA /KM/	EKSP. - OTPREM. KOLIČINE MINERAL. SIROVINA	UPLAĆ. DO DATUMA ZAPISNIKA /KM/				
13.	ABLE INVESTMENT Sarajevo 24.5.2016.	12.4.2018. god. 5.625,00	19.372,65 m ³ č. m.	57.395,25	22.500,00	40.520,25		Dodatni premjer
14.	ŽGP Zenica 28.8.2013.	26.4.2018. god. 63.381,93	65.342,20 m ³ č. m.	26.164,58	38.800,00	26.164,58		Dodatni premjer
15.	ZD RMU ZENICA Zenica 20.04.2010.	26.4.2018. god. 31.080,00	0,00	0,00	21.000,00	10.080,00		
16.	KOMGAD - ZE Zenica 17.12.2014.	26.4.2018. god. 11.780,40	51.208,80 m ³ č. m.	52.903,91	33.620,00	22.693,09		
17.	GEOMET Olovo 20.07.2012.	10.04.2018 .god. 60.300,00	0,00 tona	117.360,00	180.000,00	0,00		Dobio dozvolu za eksploataciju 6.4.2017. g.
	UKUPNO	677.958,38		1.210.941,28		788.878,51		

Određeni broj privrednih subjekata sa potpisanim koncesionim ugovorom u 2017. godini nije vršio eksploataciju mineralnih sirovina. Ovo je vrlo zabrinjavajuća činjenica koja može biti posljedica više faktora, a neki su:

- Došlo je do razlike u kvalitetu eksploatisanih mineralnih sirovina, tako da su se mnogo više potraživale i eksploatisao kvalitetne mineralne sirovine u odnosu na one sa lošijim kvalitetom;
- Lokacija (udaljenost) kamenoloma u kojem se vrši eksploatacija od većih privrednih centara (Sarajevo, Zenica, Visoko, Kakanj), te opterećenje cijene koštanja čvrste mineralne sirovine cijenom transporta. Sirovine nisu konkurentane cijenom u odnosu na bliže kamenolome kod kojih je cijena transporta niža;
- Vjerovatne unutarnje slabosti, što se posebno odnosi na „Libos“ d.o.o. Žepče, „Cesting“ d.o.o. Žepče, „Able Investment“ d.o.o. Sarajevo i „Amina trade“ d.o.o. Sarajevo.

3. PRIHODI OD KONCESIONIH NAKNADA U 2017. GODINI

3.1. Prihodi od jednokratne koncesione naknade u 2017. godini

U 2017. godini nije bilo potpisanih novih koncesionih ugovora, sem Aneksa Ugovora o koncesiji zaključenog sa koncesionarom „DIM KAMENOLOM“ d.o.o Žepče za proširenje istražno eksploatacijskog prostora, pri čemu je ostvaren prihod od jednokratne koncesione naknade u iznosu od **58.546,00 KM**.

3.2. Prihodi od kontinuirane koncesione naknade u 2017. godini

U budžetskoj 2017.godini, prema podacima Ministarstva finansija, uplaćeno je na ime kontinuirane koncesione naknade **1.126.354,88 KM** (u 2016. godini 804.433,13 KM), od čega je alocirano općinama **788.447,42 KM** i Kantonu **337.907,40 KM** (u 2016. godini 612.790,76 KM i Kantonu 183.837,22 KM).

Pregled uplaćene kontinuirane koncesione naknade i eksploatisanih mineralnih sirovina preme zapisnicima za 2017. godinu prikazan je u tabeli 3. U istoj tabeli dat je pregled obaveza koncesionara na dan potpisivanja zapisnika (05.04. do 26.04.2017.godine), koje su evidentirane u iznosu od **588.004,79 KM** (u 2016. godini 746.105,93 KM).

Upoređujući ovaj podatak sa stanjem po zapisnicima za 2015. i 2016. godinu, evidentno je da su dugovanja manja.

U 2017. godini, a nakon dobivanja dozvole za eksploataciju mineralne sirovine ceruzita, obavezu izmirenja kontinuirane koncesione naknade dobio je koncesionar „GEOMET“ d.o.o. Olovo.

4. RASHODI IZ KONCESIONIH NAKNADA U 2017. GODINI

4.1. Rashodi prema Programu utroška budžetskih sredstava od koncesija za 2017. godinu

U nastavku ove Informacije dat je pregled utroška budžetskih sredstava od koncesija u 2017. godini prema Programu utroška sredstava usvojenog Zaključkom Vlade Kantona broj: 02-14-6991/17 od 26.04.2017. godine.

Iz Budžeta Kantona (prihod od koncesija) Minisrastvo za privredu je finansiralo sljedeće projekte:

- 1) Za sufinansiranje pripreme izgrednje poslovnih zona utrošeno je ukupno su sljedeća sredstva:
 - Općina Usora - Poslovna zona „Žabljak”, (Faza IV, Korak 1. i 2.), u iznosu od **30.000,00 KM**, na ime asfaltiranja saobraćajnice u Poslovnoj zoni „Žabljak”.
 - Općina Tešanj - Poslovna zona "Bukva" (Faza IV - Korak 1.), u iznosu od **15.000,00 KM**, na ime asfaltiranja saobraćajnice u Poslovnoj zoni "Bukva".

- Općina Zavidovići - Poslovna zona "Ekonomija Batvice" (Faza IV - Korak 1.), u iznosu od 13.908,70 KM, na ime asfaltiranja saobraćajnice u Poslovnoj zoni "Ekonomija Batvice".

- Općina Maglaj - Poslovna zona "Misurići" (Faza IV - Korak 1.), u iznosu od **15.000,00 KM**, na ime asfaltiranja saobraćajnice u Poslovnoj zoni "Misurići".

2) Za potrebe Komisije za praćenje realizacije ugovora o koncesijama, odnosno utvrđivanje eksploatisanih količina mineralnih sirovina na kamenolomima u 2017. godini utrošeno je **5.680,56 KM**.

3) Realizirani su poticaji po Projektu subvencioniranja energetske efikasnosti javnih objekata (škole), te je evidentiran utrošak provođenja energetskog audita za 6 škola u iznosu od **403.777,32 KM**, od čega za:

- Izradu energetskog audita objekata škola, u iznosu od **8.190,00 KM**, u školama:

1. O.Š. „NOVI ŠEHER“ – Maglaj i

2. O.Š. „MAGLAJ“ – Maglaj.

- utopljanje objekata škola (Ekonomski kod 821500 - Ulaganja u tuđa stalna sredstva), u iznosu od **398.512,32 KM**, u slijedećim školama:

1. O.Š. „ENVER ČOLAKOVIĆ“ - Breza,

2. M.S.Š. "ZAVIDOVIĆI" - Zavidovići,

3. O.Š. "HAZIM ŠABANOVIĆ" - Visoko,

4. O.Š. „MAK DIZDAR“ - Zenica i

5. O.Š. "FRA GRGA MARTIĆ" - Žepče.

4.2. Alokacija koncesionih naknada po općinama u 2017. godini

Prema Odluci Vlade Kantona, broj: 02-14-2098/13 od 24.1.2013. godine ("Službene novine Zeničko-dobojskog kantona", broj: 1/13), o načinu rasporeda sredstava od koncesija, 70% ukupnog iznosa prikupljenih sredstava u 2017. godini alocirano - uplaćeno je općinama na čijoj teritoriji se vrši eksploatacija mineralnih sirovina.

Alocirana sredstva prikupljena od koncesionih naknada u budžetskim 2016. i 2017. godini prikazana su u narednoj tabeli.

Tabela 4. Alocirana sredstva prema općinama u 2016. i 2017. godini

R. br.	OPĆINA	ALOCIRANA SREDSTVA U 2016. GOD. /KM/	ALOCIRANA SREDSTVA U 2017. GOD. /KM/
1.	ZENICA	50.583,75	72.690,24
2.	KAKANJ	291.518,65	332.139,36
3.	BREZA	14.000,00	75.176,68
4.	VISOKO	7.214,13	12.824,14
5.	ZAVIDOVIĆI	112.599,70	124.385,36
6.	ŽEPČE	66.126,58	73.854,64
7.	OLOVO	42.234,15	82.152,00
8.	VAREŠ	28.513,80	15.225,00
	UKUPNO	612.790,76	788.447,42

6. ZAKLJUČAK

Sublimirajući i upoređujući podatke predhodnih godina sa podacima iz 2017. godine, može se zaključiti sljedeće:

- Nastavljen je trend da koncesionari, koji nisu eksploatisali mineralne sirovine u 2015. i 2016. godini, nisu vršili eksploataciju mineralnih sirovina ni u 2017. godini;
- Obaveze na ime koncesione naknade za 2017. godinu su povećane u odnosu na predhodnu godinu kod koncesionara: „AMINA TRADE“ d.o.o. Olovo, „ŽGP“ d.o.o. Zenica i ZD RMU „ZENICA“ d.o.o. Zenica;
- Zbog kontinuiranih problema u vezi realizacije koncesionih ugovora Ministarstvo za privredu je u 2016. godini, u saradnji sa Kantonalnim pravobranilaštvom i uz saglasnost Vlade Kantona raskinulo koncesione ugovore sa koncesionsrima „Jašarević Kop“ d.o.o. Tešanj i „Almy Transport“ d.o.o. Zenica, a u 2017. godini pokrenuta su vansudska poravnanja sa koncesionsrima „RKB“ d.o.o. Breza i „Libos“ d.o.o. Žepče.
- Nastavak izgradnje trase autoputa na koridoru V-c kroz područje Zeničko-dobojskog kantona trebao bi da rezultira povećanjem potražnje za proizvodima od mineralnih sirovina, što bi znatno poboljšalo stanje kod koncesionara.

OBRADIO:

Amir Abazović, pomoćnik ministra

Kemal Bjelić, stručni saradnik za koncesije

